

զուար արծաթի ճրագարանս փոքր եւ մեծա-
 մեծսն, թող զշուրջառսն, զխաչվառսն, զե-
 միփորոնսն եւ մեծագին թագս հայրապետաց՝
 ոսկով եւ մարգարտով եւ ակամբք ընդելու-
 գեալ, եւ վարչամակս յոլով զուար մեծամեծ
 մարգարտովք շարեալ, զոր ԵՃ ամաց հետէ
 ժողովեալ էր աստուածասէր տանուտէրաց եւ
 բարի եւ երկիւղած կանանց եւ տանտիկնանց,
 զոր ոչ երբէք գտանիւր այլ աշխարհ այնպիսի
 թօհվայք եւ անդիւտ իրք: Թող զարծաթա-
 պատ, ոսկիակազմ, մագաղաթ, ոսկէգիր բա-
 զում Աւետարանս եւ յոլով Շարակնոցս, ոս-
 կով եւ լազվարդով նկարեալ պատուական
 պատկերս եւ Բ, ԳՃ ազնիւ գրեանս վարդա-
 պետականս ի թագաւորական խազնայէ ի
 զուրս ելած, մանաւանդ Սըսու եւ Քաֆայու .
 Բ, Գ Աստուածաշունչք, այլ եւ Մեկնիչք եւ
 Քաղուածք, Փիլոնգիրք եւ Քարոզգրքեր, Տօ-
 նականք, Սարգիսգիրք, Սողմոսի մեկնիչք եւ
 Արարածոց մեկնիչք եւ այլ անթիւ ազնիւ
 գրեանք, նաեւ յոլով Արտաքին գիրք, զորս
 ոչ կարեմ մի ըստ միովչէ գրել, զի ձանձրաս-
 ցին լսողքն: Եւ զայն ամենայն վերոյգրեալ
 Մարայ խազինան ի միում ամի կորոյս եւ
 ոչընչացոյց, նաեւ զգրեանս ամենայն ընդ նո-
 սին. զո՛րս ծախէր եւ վաճառէր, զկէսս գրա-
 ւէր Հրէից եւ այլ եւ այլ ցեղից, զայլս հալէր
 եւ ի պէտս մարմնաւոր մսխէր եւ զո՛րս փո-
 խէր ընդ ոչինչ իրս անպիտան եւ մարմնա-
 ւոր. տայր զոսկին եւ առնոյր զհօղն եւ զմօ-